

Liber
Bibliothecæ Academicæ Halensi
a
CHRISTOPH. ERNEST. CONONE,
Med. Doct. & Practico
Berolinensi,
TESTAMENTO DONATVS.
1729.

an 4

FACULTATIS MEDICÆ
In
ACADEMIA LIPSIENSI
PRÆLIMINARIS
EXCUSATIO;

Quâ
CASUUM, & RESPONSORUM
SUORUM

Sub Titulo
MEDICINÆ CRITICÆ
Inopinatam, ac præcocem editionem
Justo Dolore prosequitur.

LIPSIÆ.

Ipsis, infaustis quamvis, *Medicina dictæ Criticæ*
Natalibus.

LITERIS BAUERIANIS.
Anno 1670.

G. Finck.

FACULTATIS MEDICAE
ACADEMIAE LIPSIENTIS
PRAELECTORUM

EXCURSATIO
CASUUM & RESPONSORUM

MEDICINAE CRITICAE
IN PROPRIETATE DE PRACONNEDITIONE

non TITULI BARRIANI
Anno 1670.

6. 1670.





Lector Aequi Verique amans,

SI manibus *Tuis* forsan exhibeatur, oculisqve *Tibi* usurpare contingat scriptum illud medicum, quod sub *Medicina Critica* nomine, *D. Ammannum*, vel auditorum preces fatigantes, (uti in praefatione *Tibi* persuadere laborat) vel forsan aliud quid, v. g. *Physicis, Practicis, Studiosis, Chirurgis aliisque* inserviendi cupido, publico vendere iussit; hocqve si *Crisi Tuâ* dignum judicare velis: Hæreas, rogamus amicè, in *titulo* paulisper, ipsiqve adaptes hanc *Nostram Excusationem*, anteqvam ad illas allegatorum compilationes, quas *Casibus, & Responsis Nostris, Scholiorum, & discursuum* titulo, junxit Autor, excutiendas Te convertas. Imò hærebis forsan spontè, si *Collegii Nostris Casus, & Responsa à Privato* quodam, *Nobis insciis* antè, mox *invitis, dissvadentibus, & contradicentibus*, non *collecta* tantùm, sed *correcta* quoque fuisse, animadvertes. *Clam Nobis hæc Beatorum Antecessorum, & Nostra* typis subjecit *Responsa*, quæ amicis, & repetitis adhortationibus, ab *Eo*, ut *Collegâ,*

)o(2

legâ,

legâ , iusto quoque sæpius dolore , postulavimus ,
ac in quorum censuram , ut lucem viderent , con-
sentire nec potuit , nec poterit unquam dicta *Nostra*
Facultas . Ille nihilominus , qui ne utiqvam flecti ,
aut à proposito suo ullo modo avocari poterat , ut
conatus suos , *Nobis* molestissimos , effectum daret ,
quod nec ad quemcunqve *Nostrum* , sive ut Docto-
rem , sive ut Assessorem , adeoque nec ad *Ipsam* spe-
ctabat , ab *Electoris Nostris Clementissimi* jurisdictione
remotis credidit Typographis , quò diutius lateret ,
tandem verò toti Orbi Literario magis elucesceret ,
ac *Tibi* patefieret *Jus* illud *nullum* , quo , in præcociis
sui consilii impetu excusando , & defendendo , hæc te-
nus usus fuit , parum pensitans , à *Nostro* Decano li-
cet , per denegatam censuram , interpellatus , & à Col-
legis monitus , imò per Electoralia Rescripta , di-
vulgationem inhibentia , non semel à conamine
suo avocatus fuerit , *Res* , quæ *Facultatis propriæ*
sunt , *Domino invito* , & *dissentiente* , non posse , nec
deberi ex sinu ejus rapi , & nundinis annuis exponi .
Si *dissensus Nostris* , quem semper contestati sumus ,
& adhuc contestamur , argumenta desideres , *Inge-
nuitati Tuæ* paucula hæc , suppeditamus : Sufficiens
quippe hæc pro assensu *Tuo* impetrando , cum plura
schedæ hujus angustioris instituti nostri superarent
limites , haud tamen , vel si centena tanti ponderis fo-
rent,

rent, ut *Centuriam* hanc, *Summi Nostri Magistratus*
mandatis posthabitis, dispersam revocare, & factū
infectum reddere valerent. *Tibi* siquidem, qui non
præconceptis opinionibus occæcatus es, facile con-
stabit, quantā *Facultas Nostra* se, suosque Anteces-
sores, contaminaret imprudentiæ, & iniquitatis
labe, *Ea* dum propalaret, vel propalari concederet,
quæ optimi, & integerrimi Viri, *Nostra* concedide-
runt *taciturnitati*, morbos non cuivis revelandos,
aut per mundi plagas decantandos concernentia,
quod *Jus Jurandum Hippocratis*, Ethnici licet, Ethici
tamen, sanctè prohibet, cujus verba t. 3. hæc;
Quæcunqve curando videro, aut audivero, imò etiam
ad medicandum non advocatus, in communi hominum,
vitâ cognovero, ea, si quidem efferre non contulerit, tace-
bo, & tanquam arcana, apud me continebo: Imò quanta
avaritiæ sorditie sese conspurcaret *Hic Noster Ordo*,
vendendo de novo *Responsa* illa, quæ æquo, licito-
que honorario olim dedimus his, qui *Nostras* ex-
petebant sententias. *Quæ* dubia quamvis in ani-
mo *Compileris* quoque *suborta fuerint*, antequam,
uti scribit, *fatigantibus gratificaretur*, (quod in-
gens interim manebit postulatum) *& sui officii obli-*
visceretur; hæc omnia tamen diluit post multijugam ven-
tilationem secum habitam Causa finalis sententiarum,
vel, quod verisimilius, ac complexioni *Illius* magis

conforme, imperfecta, & mala *Crisis*. Nam scopum suum dudum attigerant hæc *Nostra Responsa*, id est, *Informationem Judicis*, nondum autem per alienos labores mundo innotuerat *Conscribentis* hujus nomen. De cætero, *Lector ingenue*, absque omni complacendi, aut adblandiendi affectu judica, nonne fontica semper Nobis subfuerit causa, servandi, & custodiendi potius hos *Præceptorum Nostrorum* conceptus intra scrinia *Nostra*, quam Bibliopolarum officinis illos exponere? Videbis siquidem ex unius, vel alterius *Casuum* horum inspectione, *Chaos sanè informe, indigestum, & confusum* hos rectè ab *Eo* dici, qui in melius *Centuriam* hanc se redegisse credit; non enim, quod idem de *Glossatoribus* suis antiquis fatentur *Jcti*, tam accuratè, & ad hujus seculi palatum ab *Illis* elaborati, nec à mendis, & imperfectionibus per *Hujus discursus* ita purgati sunt, vel in talem excreverunt figuram, ut tantum commodum in *Studiis Tuis promovendis* sperare possis, quantum *Titulus, & Prologus* Tibi polliceri, & persuadere fatagunt. Haud tamen vitio vertimus hanc *Veteribus*, omniqve ætati connatam quasi imperfectionem; nam qui aliter ante seculum, & superioribus annis fieri debuit? fecerunt, quantum quæstionum conditio, styli, tunc temporis usitati, aliarumqve circumstantiarum

rum

rum tulit ratio; quantum per præcepta Artis *Ipsis*
cognita, possibile fuit, (*nullus enim horum, jubente*
Hippocrate, de diæta, reprehendendus propterea, quod
omnia invenire non potuerit) ideò locuti fuerunt
ex hypothefi illâ, quâ tunc temporis nitebatur
Medicorum Schola: Hodie verò, ubi major *Ævi*
felicitas, & fæcunditas, ac mirum in modum cun-
ctæ creverunt Artes, & fic quoque hæc *Nostra*
Longiffimâ, quid mirum, fi fastidiat has antiqvita-
tis reliqvias quilibet, qui inventis! modernorum
ftudia fua magis excoluit? Hisce itaque, ne, ver-
ba *Patrum* cavillandi, materiam incogitanter
præberemus, illosque fcribaces crabrones, quibus
nihil pulchrum, quod vetus, irritaremus, delitefcere
voluimus, quas bonâ intentione confignarunt,
Meditationes, quæ, cum fuprà declaratis, unica
ratio eft, cur inopinatam, & illicitam *Harum* publi-
cationem abhorreamus, & detestemur, non verò,
ut cuidam tantillum vel gloriolæ, vel exigui quæ-
ftûs, fpem, invideamus, vel præfcindamus. Tu in-
terim, *Arbiter Æquiffime*, hanc *Nostram* brevita-
tem extortam *Judicii Tui* ubertate corrigas, an-
guftia enim Temporis, atque *præceptis occasio* proli-
xitate majorem (forfan etiam neceffariam) in
præfentiarum haud admittit: Et fi in ipfa *Medici-*
nâ Cri-

nâ Criticâ, quam nondum legere, nedum perle-
gere licuit, aliquid invenerimus, quod *Crisin* excedat,
& vel *Antecessorum*, vel *Nostræ* Existimationi, aliquam
maculam adspergat, certus sis, *Nos Animad-*
versione peculiari illam propediem
deterfuros.

F I N I S.






Ap 5704


ULB Halle 3
006 688 624



VD 17
huc







an 4

FACULTATIS MEDICÆ
In
ACADEMIA LIPSIENSI
PRÆLIMINARIS
EXCUSATIO;

Quâ
CASUUM, & RESPONSORUM
SUORUM

Sub Titulo
MEDICINÆ CRITICÆ
Inopinatam, ac præcocem editionem
Justo Dolore prosequitur.

LIPSIÆ.

Iplis, infaustis quamvis, Medicina dictæ Criticæ
Natalibus.

LITERIS BAUERIANIS.
Anno 1670.

G. Finck.